

حرب (ترکی) ۱۳۴۴

کتابخانه اسلام و عسکری



دفتر خاظرآدن :

فرانقفوریه بر کیم عملیاتی

تر .

مکتب حریه شاهانه ارکان حربیه و طائفی و تمسیه تطبیقاتی
معلمی ارکان حرسه قائمقامی

پرتو



معارف لطارت حلبهسک رحصیل

استانبول

کتابخانه اسلام و عسکری — ابراهیم حلمی
۶۲ — اسکی ضبطیه جاده سی — ۶۲

۱۳۱۶

۵۶۵



کتابخانه اسلام و عسکری

دفتر خاطراتدن :

فرانقزوریه بر کیم عثمانی

اثر :

مکتب حریه شاهانه ارکان حریه وظائفی و تقمیه تطبیقاتی
معلمی ارکان حریه قائمقامی

پرتو



معارف نظارت جلیله سنک وخصتیه

استانبول

کتابخانه اسلام و عسکری — ابراهیم حلمی

۶۲ — اسکی ضبطیه جاده سی — ۶۲

۱۳۱۶

محرك طبع اوله جى آمار ساژه سی:

معصل تعیه مسئله لری (ایکنجی دفتر)
تاریخ حرب صحفه لری
سیاحت خاطره لری

فرانقفورته برکجه عملیاتی

بیك سكر یوز طقسان یدی سنه میلادی سی مارتك
یكرمی دردنجی چهارشنبه کونیدر . کوندوزین آفرانه
ساعت اون ایکی یه دوغری (اودر) نهری اوزرنده کی
(فرانقفورته) شهرنده بشنجی پیاده فرقه سی قرارگاهك
اوافق سالوننده فرقهك ارکان حربیه رئیس، فرقه یاوری،
فرقه سرطیبی، فرقه لوازم مأموری ایله فرقهك ایکی
عدلیه مأموری وموقع قوماندانی اولان ملازم طویلا-
نیورلر . هرکس برقاچ کونلك وظیفه سی حاضرلامش،
فرقه قوماندانسه عرض معلومات ایده جک، اونك رای

و قرارلرینی استفسار ایلده جک . تام ساعت اون ایکیده
 سالونک قاپیسی آچیلدور . بشنچی فرقه قوماندانی جنرال
 (فرایه ر فون در غولج) ایجری به کیریور . یالکز عالم
 عسکریمزده دکل ، تکمیل عثمانلی وطنداشلرمن نزدنده
 هر درلو حس شهرت قازاعش اولان (غولج پاشا) بر
 سنه دن زیاده اولیورکه آرتق عثمانلی ارموسنه وداع ایتمش،
 ینه بروسیا خدمت عسکر به سنه کیرمش بولنیور . مشارالیه
 کندیسنه مخصوص برزاکت فوق العاده ایله حاضرونی
 سلاملاقدن صکره سالونک اورتیه سنده کی بیوک ماصه نیک
 اطرافه موصوع سندالیه لردن برینه اوتوریور . فرقه
 هیئت ارکانی دخی برلرینه کچیلرلر . مذاکرات باشلابور .
 اولا موقع قوماندانی اولان ملازم فرقه قوماندانی کوره -
 مدیکی کچن ایکی کون ظرفنده کی غارنیزون [۱] وقایعی
 بجملاً بیان ایدیور ، فرقه قوماندانک بوبابده بر ایکی
 امرینی آله رق سالوندن چکیلور . آرقه سندن فرقه نیک
 عدلیه مأمورلری صره ایله اومدت ظرفنده کندیلرینه
 عائد کچن وقایعی بیلدیریور و عین وجهله قوماندانک
 ایجاب ایدن امرلرینی آلوب کیدیورلر . طبقی بوشی فرقه نیک
 لوازم مأموری و فرقه سرطیبی ایله دخی تکرر ایدیور .

[۱] (غارنیزون) ایچنده عسکر اقامت ایدن شهره ویا

طوفریدن طوغری به بر موقع عسکری به اطلاق اولنور .

نهایت سالونده یالکز فرقه قوماندانی ایله ارکان حربیه رئیس بیکباشی (فون وردر) ، فرقه یاورى بیکباشی (تیلو) وایکنجی ارکان حربیه ضابطی صفتیه بن قالیورز که اصل قرارگاه هیئتنی بز دردمنز تشکیل ایلدیکمز جهتله اک مهم اولان مذاکراتده طبیعی بزم آرامزده جریان ایدم جکدره بن اوروقت هنوز پروسیا اردولرنده بولنیور واستانبوله ایکن کندیسيله خبلی سنه لر برلکده بولنق شرقه مظهر اولدیغ قوجه غولایچ باشانک پروسیاده دخی فرقه سنه الحاق قلنرق عملی فرقه ارکان حربیه وظائفی اوکرنیوردم .

سالون بوشالقدن صکره فرقه یاورى مصالح شخصیه به ، برایکی آی صکره اوله حق انداخت عملیاتلرینه مخصوص اراضی انتخابنه وسائره به دائر لازم کلان معروضاتی بتیریور . آندن صکره صره بکا کلیور : فرقه به منسوب ایکنجی دراغون و اوچنجی اوھلان سواری آلایلری ضابطانندن بعضیلری طرفندن برقاج کون صکره اجرا ایدیله جک کیجه سواریلکلرینه دائر ترتیب ایلمش اولدیغ اوج درت مسئله بی فرقه قوماندانه کوستیریورم ، بوبابده لازم کلان شیرل قرارلاشدیریلیور . صکره ارکان حربیه رئیس کله جک صوک بهار مانوره لری ایچون انتخاب ایدلمش اولان اراضی به دائر حکومت ملکیه مأمورلری ایله ایدیلان

مذاکراتدن ویاقینده اوله جق قطعات تفتیشی پروغراملرندن
 بحث ایدینور . بووجهله هرکس معروضاتی بتیریور،
 ایشه ختام ویریلیورکه تکمیل بومعروضات، بومذاکرات
 بر ساعت قدر سورییور . بونی متعاقب بو آخشام فراقفور
 جوارنده اجرایی متصور کیجه عملیاتندن بحث آچیلیور .
 هوا صوغوق، قوری، بوکیجه قاراکلق و ماهتابسز اولقله
 برقاج کوندنبری تحت قراره آلمش اولان بویله بر عملیات
 ایچون اک مناسب برکیجه در . غولج بو عملیاته عائد مسئله لک
 اساسی بالذات حاضر لامش، تفصیلاً صورت ترتینی فرقه
 ارکان حربیه سنه بر اقمشدر . اویله دن صکره ساعت بر یجغه
 دوغری بر بر مزدن آیرلدق . بن جنرال غولج ایله بر لکده
 فرقه قرارگاه بناسنک یاننده کی قوماندانله مخصوص
 اقامتگاه کادم ، اکثریا اولدینی کبی اوکون دخی غولج
 فاملیاسیله بر لکده یمک یدم .

بو آخشام عملیات اوله جفندن هنوز کیمسه نك خبری
 یوق . ایشی فراقفورنده یالکز درت کشی بیلورکه اوده
 فرقه قوماندانی، ارکان حربیه رئیس، فرقه یاور و بندن
 عبارت . فرقه نك فراقفور غارینوزونده کی قطعات
 عسکریه سی بعد الزوال ایفاسیله مکلف اولدقلری خدمات
 عسکریه بی اکمال ایتمشلر ، آخشام آلافرانغه ساعت بشده
 قشله لرینه چکیلیورلر . آخشام حالی یواش یواش اورقانی

قابلا یور . اوافق اولمقله برابر ینه قالاباق، ینه جانلی
اولان فراقتورت واقعا بر حال سکون و تنهائی عرض
ایتمیور، فقط اور تاقده آرتق همان هیج عسکر کور و لیور.
ضابطان خاه لرند، افراد قشله لرند کوندوزک یور غولغنی
آلمقله مشغول . شوقدرکه بورالرجه موسم هنوز قیش
اولمقله فاملیا مسامره لری، فاملیا بالورلی آلان یتماه شدر.
هر آخشام اولدینی کبی مطلق بو آخشام دخی خیلی ضابطان
بومسامره لره دعوتلیدرلرکه بویله لری خدمت عسکریه
یتیمز یتیمز، فرصت وارسه، برالی بریچق ساعت اولسون
اوافق بر اویقو کسیدردکن صکره همان تواللرینی اکیال
ایدرك پروکار دکاننه، اورادنده دعوتلی اولدقلری یرلره
شتابان اولمق یتیمده درلر . کیم بیلیر بو آخشام نه قدر
اکنیله جک ، نه کوزل دانس ایدیله جک ؟ بر یره دعوتلی
اولیان ضابطان دائما مشترکاً یمک ییوب وقت کچیردکلی
آلای قازینولرینه کیتمک ایچون ساعت آلتی بی بکلیورلر.
بوکون چارشنبه اولمقله بعض قازینولرده یمک ائناسنده
آلای موزیقه سیده ترنمساز اوله جق . کیم بیلیر نه خوش
بروقت کچیریله جک ، نه قدر کولوب اوینا نه جق ؟ ایرتسی
صبح ینه باشلایه جق اولان طاقم و بلوک تعلیملرینه هنوز
آراده برکیجه وار . بوکیجه بی ممکن اولدینی قدرخوش،
اکنجه لی کچیرمک لازم دکلای ؟

حال استراحتده ، ضابطان آلاى قازينولرنده يىمكه
 بولنيورلر. كوش غروب ايده لى يارم ساعتي كچمشدر .
 بواشاده فرقه ياورى ايله بن وموقع قوماندانى اولان ملازم
 شهرك وسطنده وقوماندانلق دائرہسى قربنده كى مركز
 قره غولنه كليورز . فرقه ياورى قره غول دروننده كى
 ترامپته جى قفرى جاغرييور، عمومى باصقين اشارتى چالمسنى
 امر ايدىيور. نفر در حال امره اطاعت ايدرك غايت قوتلى
 صورتده ترامپته اورمغه باشلايور . اشارت بر ايكي فاصله
 ايله اوچ درت دقيقه قدر سورييور . جوارده كائن حسيم
 بر پياده قشله سنده كى قاپى قره غولى ايشدن خبردار اولور
 اولماز تكميل قشله ايچده باصقينه علامت بورو و ترامپته
 صدالري ايشيدلمكه ، اورتالقدہ بر سرعت و فعاليت مشهود
 اولمغه باشلايور . عيى زمانده كرك مركز قره غولدن ،
 كركسه فرقه قرار كاھندن شهرك خارجنده اقامت ايدن
 آلايلره تلمون ايله باصقين اشارتى و يرلديكى كى هر طرفه
 وبالخاصه امرا وضابطان اقامت كاھلرينه ولوسپيدلى افراد
 سوق ايدىليوركه بوسايه ده تكميل فراھقورت آز زماده
 باصقين خبرنى آليور . تكميل بو حال هوا غايت ساكن
 ايكن آپانسرين فوق العاده شدتلى بر فورطنهك ظهورينى
 ا كديريور . قطعات مختلفه سرعت ممكنه ايله سفر بر

حالہ حاصر لاغہ باشلادقلری اتنادہ ہر الایدن امر المغہ
 کلان کو جوک ضابطان فرقہ قرار کاہندہ اجتماع ایدیورلر۔
 فرقہ ارکان حربیہ رئیس یونلرہ قطعانک طوپلاعیسی
 متعاقب اجرا ایدیله جک کیجہ عملیاتنہ دائر لازم کلان فوقہ
 امر بنی یازدیوریور۔ عینی زماندہ فون درغولج، فرقہ
 یوری و بن حیوانلرمزہ ینہرک قوماندانلق دائرہ سی
 اوکندہ (۱۸۷۰-۱۸۷۱) حاطرہ سی اولوق اوزرہ انشا
 ایدلمش جسیم ومکمل (برس فرہ دریق شارل) ہیکلی
 اوکنتن کیور۔ انظار مزلہ او قوجہ قوماندانی سلاملا دقندن
 صکرہ جوارده کی جسیم بر میدانہ توجہ ایلپورزکہ فرقہ بہ
 منسوب قطعات عسکریہ دن سکرنجی غرہ نادیه پیادہ آلابی
 ساعت یدیدہ تام سہر بر حالہ اولہرق بومیدانہ اجتماع
 ایتش بولنیور۔ ینہ غولج ایلہ اورایہ بش دقیقه قدر
 مسافدہ اولان دیگر بر میدانہ حیوانلرمزی سورپورز۔
 قشلہ لری شہرک خارجندہ وخیلی اوزاقدہ کائن اولان اون
 ایکنجی غرہ نادیه پیادہ آلابی ایلہ اون سکرنجی مہرا
 طوبجی آلابی طیبی شہر داخلندہ کی سکرنجی پیادہ آلابی
 قدر جابوق طوپلانہ میورلر سہدہ ینہ کچ قالمیورلر : اون
 ایکنجی پیادہ آلابی الی آلتی دقیقه دہ، طوبجیلر تام بر
 ساعتدہ (ویلہلمس پلاج) نامیلہ معروف اولان بوایکنجی
 میداندہ طوپلاننیورلر۔ اورنالق اییدن اییہ قرارمش،

ساعت آلافرانفہ آلتی بچق اولیور . افراد قشلہ لردہ
 حال استراحتدہ ، ضابطان آلائی قازینولرندہ یمکدہ
 بولنیورلر . کونش غروب ایدہ لی یارم ساعتی کچمشدر .
 بوائنادہ فرقہ یاورى ایلہ بن وموقع قوماندانی اولان ملازم
 شہرک وسطندہ وقوماندانلق دائرہ سی قربندہ کی مرکز
 قرہ غولنہ کلیورز . فرقہ یاورى قرہ غول درونندہ کی
 ترامپتہ جی نفری جانغریور ، عمومی باصقین اشارتی جالمسی
 امرایدییور . نفر درحال امرہ اطاعت ایدرک غایت قوتلی
 صورتدہ ترامپتہ اورمغہ باشلا یور . اشارت بر ایکی فاصلہ
 ایلہ اوچ درت دقیقه قدر سوریور . جوارده کائن جسم
 بر پیادہ قشلہ سندہ کی قاپی قرہ غولی ایشدن خبردار اولور
 اولماز تکمیل قشلہ ایچندہ باصقینہ علامت بورو وترامپتہ
 صدالری ایشیدلمکہ ، اورتالقدہ بر سرعت و فعالیت مشہود
 اولمغہ باشلا یور . عینی زماندہ کرک مرکز قرہ غولندن ،
 کرکسہ فرقہ قرارکاهندن شہرک خارچندہ اقامت ایدن
 آلایلرہ تلفون ایلہ باصقین اشارتی ویرلدیکی کبی ہر طرفہ
 وبالخاصہ امرہ وضابطان اقامتکاہلرینہ ولوسیدلی افراد
 سوق ایدیلیورکہ بوسایہ دہ تکمیل فرائق فورت آز زماندہ
 باصقین خبرینی آلیور . تکمیل بو حال هوا غایت ساکن
 ایکن آپالسزین فوق العادہ شدتلی بر فورطنہ نک ظہورینی
 اکدیور . قطعات مختلفہ سرعت ممکنہ ایلہ سفر بر

حالد. حاضر لائمه باشلا دقلرى انئاده هر آلايدن امر لائمه
 كلان كوچوك ضابطان فرقه قرارگاهنده اجتماع ايدىيورلر.
 فرقه ارکان حربيه رئيسى بونلره قطعانك طوبلا عسفى
 متعاقب اجرا ايديله جك كيجه عملياتنه دائر لازم كلان فوقه
 امرينى يازديرييور . عيى زمانده فون درغولچ ، فرقه
 ياورى و بين حيوانلر مزه بينه رك قوماندانلق دائر عسى
 اوكنئده (۱۸۷۰-۱۸۷۱) خاطر عسى اوللق اوزره انشا
 ايدلمش جسيم ومكمل (پرنس فره دريق شارل) هيكللى
 اوكنندن كچيور . انظار مزله اوقوجه قوماندانى سلاملا دقندن
 صكره جوارده كى جسيم برميداه توجه ايليور زكه فرقه به
 منسوب قطعات عسكريه دن سكرنجى غره ناديه پياده آلايى
 ساعت يديده تام سفر برحالد اوله رق بوميدانده اجتماع
 ايتمش بولئيور . ينه غولچ ايله اورايه بش دقيقه قدر
 مسافه ده اولان ديكر برميدانه حيوانلر مزى سورييورز .
 قشله لرى شهر ك خارجنده و خيلى اوزاقده كائن اولان اون
 ايكنجى غره ناديه پياده آلايى ايله اون سكرنجى صهرا
 طويچى آلايى طبيعى شهر داخلنده كى سكرنجى پياده آلايى
 قدر جابوق طوبلانمىيورلر سده ينه كچ قالمئيورلر : اون
 ايكنجى پياده آلايى اللى آلتى دقيقه ده ، طوبچيلر تام بر
 ساعتده (ويلهلمس پلاج) ناميله معروف اولان بوايكنجى
 ميدانده طوبلا نيورلر . اورنالق ايدن ايني به قرارمش ،

هر طرفده فنارلر، لامبه لر یانمشدر؛ فراقفورت اهالیسنک همان جمله سی سواققره دوکولمش، شوایکی جسم میدانده اجتماع ایدن ایکی پیاده وبرطوبخی آلابی ایله هرایکی میدان آراسنده کیدوب کلان یاورلرک، امرضابطلرینک ولوسیدلی افرادک حاصل ایلدکری کوزل پانورامایی سیر ایتمکده درلر. بویولده بر اجتماع ومتعاقباً برکیجه عملیاتی کوندوزین اجرایی معتاد اولان تعلیم و عملیاتلر مثللو هر وقت یاییله - میه جفی جهته، اساساً جمله سنک قانی عسکرلکله یوغورلمش اولان آلمان اهالیسی، کوریلپورکه، شو حالدن غایت لذت آلیورلر. حاصلی ایلک باصقین اشارتی ویرلدیکی آندن اعتباراً تام بر ساعت صکره امر اولنان قطعات عسکریه تمامیه سفر برحاله اوله رق اجتماع نظامنده حاضر بولنیورلر. فراقفورت داخلنده کی ایکی او هلان سواری بلوکی، یاییله حق عملیاتک ایجابجه، قصبه نک دیکر بر طرفنده طویلا نیورلر.

ساعت یدی بچقده فرقه قوماندانی اجرا اولنه حق عملیاتده طرفین مفرزه لرینی قومادا ایدم جک اولان ذاتلری یانه جاغرییور واونلر یازیلی اوله رق مسئله لرینی وبریورکه شوسطرلری مطالعه ایدم جک سلاح آرقداشلمک بلکه موجب استفاده لری اولور امیدیه مذکور مسئله لری بورایه نقل ایدیورم :

کیجه سفریه عملیاتیشرق

فکر عمومی

شرق قطمانی (کوسترین) موقع مستحکمی و بونک جنوبنده کی (اودر) نهرینک فراقفورتن اوتیه قدر اولان قسمی اشغال ایدیورلر . غرب قطمانی (برلین) دن (اودر) خطی اوزرینه ایلروله مکده درلر . مارتک یکریمی دردنجی کونی ائناسنده فراقفورتنک غربنده . و یقیننده کی نقاط مختلفه افاق هک محاربهر وقوع بولمشر .

شرق قطمانی ایچون فکر خصوصی

مارتک یکریمی دردنجی کونی ائناسنده غرب قطمانک فراقفورتن اوزرینه اجرا ایلدکری مختلف هجوملر دفع اوله بیللمشده قطعات مذکوره اورتلق قاراردقن صکره باصقین صورتیه یکیدن بر هجوم اجرا ایدرک هم شهری هم ده (اودر) کوپریسی ضبط ایلمشلردر . بونک اوزرینه شرق قطمانک بیوک بر قسمی (بیوک دکرمن) اوزرندن (تبه تیئن) صرتلرینه چکیلرک اوراده آچقده قونمشر .

(اودر) اوزرنده (شوه تیغ) ، (رایجیغ) ،
 (قونیج) مواقعهده بولنان صول جناح مفرزه سی فراغفور .
 نك غاب ایدلدیکی حوادثی الیر آمازه ، باش قوماندادن
 اولجه آلمش اولدینی تعلیماته توفیقاً ، (شوسه بکچی قولبه .
 سی) جوارنده طوبولانمش واورادن (فالقذشتاین تپه جکلری)
 ایله ایله (یهودی مزارلنی) نه طوغری کشف قوللری
 سوق ایلمشدر .

قطعات

سکرنجی غره نادیه پیاده آلابی [۳,۲,۱ نجی طابورلر] .
 اون سکرنجی صحرا طوبیجی آلاینک برنجی بطاریه سی .
 اوجنجی اوھلان سواری آلاینک برنجی بلوکی .
 فرمانراھه : قائم مقام (فون وه دوینغ) .

اجتماع محلی : شهر داخلنده اولجه معین اولان میدانلر .
 عملیات مباشرت : باصقین اشارتی واسطه سیله اخبار اولنه جقدر .

§ تنییه : قطعاتك اجتماعنی متعاقب (شوسه بکچی
 قولبه سی) نه قدر اجرا اولسه جق یوریش (حضری
 یوریش) مقامنده اعتبار ایدلملی ، حال حربه موافق
 تدابیر اورایه مواصلتدن صکره اتخاذا قینملیدر .

سکرنجی پیاده آلاینک دردننجی طابورینی تشکیل

ایدن ۱۴۰۱۳نجی بلوکلر حضری یوریش ایله (قونه سدورف) کیدوب کویک غرب کنارینی اشغال ایله فراقفورته دوغری امنیت ترتیباتی آله جقلر و شرق قطعاتی قسم کلیسنگ (قونه سدورف) ده کری یه بر اقدینی بر مفرزه وظائفی اجرا ایده جکلردر. مذکور مفرزه نك قوماندانی یوز باشی (فون غایسلر) در .

[فکر عمومی اولکینک عینیدر]

غرب

کجه سفریه عملیاتی -

غرب قطعاتی ایچون فکر خصوصی

شرق قطعاتنگ فراقفورته و فراقفورت جوارنده کی واضعی اوزرینه اجرا ایدیلان مختلف هجوملرده ووقیت حاصل اوله مامش ایسه ده اورتالق قرار دقدن صکره صقین صورتیله اجرا ایدیلان یکی بر هجوم سایه سنده م شهر ضبط ایدلش ، هم ده دشمنک اثنای رجسته نریبه موافق اوله مدینی (اودر) کوپریسی الیه ایدیله لک دشمن قطعاتی (قونه سدورف) اوزرینه پوسکور و لشلردر .

غرب قطعاتنگ پشمارای [اوج پیاده طابوری ، بر

شرق مفرزه سی قوماندانی آلدینی مسئله یی اوقور اوقوماز باشده پیاده لر ، نهایتده طوبجیلر اولمق اوزره مفرزه سی همان حرکتده باشلانور . عسکر یوریش قولنده بیوک بر سکون واستظامله شهر ایچندن کچرکن سیرجی اهلینک یوزنده قوت قلبی، نفسه اعتمادی ایمایدیر بر علامت مسرت کوریلور؛ سنه لردن بری آلیشدق لری مظفریات ککافه تفرعاتیله خاطرهلرین اوقشایور. بویله وقت حضر عملیاتی بیله حقیقت رنکنده کوریلور لر .

شرق مفرزه سی یوله دوزلدکن صکره طوبجی آلایینک عملیاته اشتراک ایتیمه جک اولان بطاریه لری عادتا یورویش ایله قشله لرینه عودته باشلا یورلر. فون درغولج فرقه ارکان حربیه رئیس ، بر او هلان امر ضابطی و بر ایکی سواری امر نفری ایله برلکده شرق مفرزه سی تعقیب ایدیور؛ فرقه یاورى عملیاتی اداره ایتیمده اولان فرقه قومانداننک، وقت معینده غرب مفرزه سنه ویرلک اوزره ، بر اقدینی معلوماتی حاملأ غرب قومانداننک باننده قالور .

غولج فاملیاسنک اقرباسدن اولوب یارم ساعتدن بری حیوانه بینمش اولدینی حالده یانمده طوران کنج و جسور (مادمازل دورغوت) ایله بن فرقه قومانداننکدن اون دقیقه قدر صکره یوله دوزولیورز .

ساعت سكرده غرب مفرزه سی حر كته باشلايور .
 بر آز صكره شهر ك اورته سنده کی میدانلرده عسكر دن اثر
 قالمدينی کی اهاايدن بر خيلیسی ده اقامتگاهلرینه چكیلیور ؛
 يالكر ايجلرندن بك مراقلی اولانلری قطعات عسكریه یی
 تعقیب ایله اراضی اوزریده یاپیله حق عملیاتی سیر ایتمه
 وذاتاً اویانمش اولان حسیات عسكریه لرین بر قادهما
 اویاندرمغه قرار ویریورلر . یاواش یاواش شهر هر
 کیجه کی حافی آلیور .

سسنز صداسز ایلروله مکده اولان مفرزه لر یكد .
 یکرندن یارم ساعت فاصله ایله (اودر) کوپریسی چکیورلر .
 قشله لری « دام و اروشقی » نده اولدینی جهتله « شوچن
 هاوس » ده اجتماع ایتمش اولان ایکی اوھلان سواری
 بلوکی بوراده عائد اولدقلری مفرزه لره التحاق ایدیورلر .
 (مادمازل دورغوت) ایله بن یولك (شوچن هاوس)
 . قدرکی طاشلق قسمی کجده کده صكره حیوانلر مزی
 کسکین سرعته یه قالدیروب ، فرقه قوماندانه یتشمك
 ایستیورز . سما براق اولمقله برابر اورتالق قاراقلق
 اولدیغندن بش اون آدیم ایلروسی بیله کورمك قابل
 اوله میور ، (فراقفور اورمانی) جهتدن شرق مفرزه سی
 قطمانك آباق وتكرلك خیشیلدیبری ایله آره صره برایکی
 کیجه قوشنك صداسندن بشقه هیچ بر شی ایشیدلیور ؛

غرب مفرزه سی هنوز کزیده اولمقله وجودندن اثر حس اولنمور . (مادمازل دورغوت) ایله آت باشی برابر شوسه یی تعقیب ایدیور ، کثیف برظلمت ایچنده ایلرو- لیور ، طبیعتک شو عظمتلی حال سکوننه قارشی ساکتانه یول آلیورز . بر آراق (شمندوفر قلبه سی) ندن کوریلان بر فنار ضیاسی یولک استقامتی تمامیه تعیین ایتدیکندن حیوانلرمزی دوت نعل ایله سوره رک تام شمندوفر خطی اوزرنده فرقه قرارگاه هیئته یتشیورز . شرق مفرزه سی ساعت طقوزه قدر ، رأسی (شوسه بکچی قلبه سی) نده وفرانقفورته متوجه بولنقی اوزره ، یول قولنده طویلانیور : باشده سواریلر ، اورته ده پیاده لر ، اک کزیده طویجیلر بولنیورلر .

عین زمانده غرب مفرزه سی (فالقنشتاین تپه جکلیری) جوارینه واصل اولیور . طرفین مفرزه لری بر برلرینک نرم لرده بولندقلرندن طبیعی تمامیه بی خبردرلر . اطراف فوق العاده بر سکون ایچنده در . اهالیدن سیرجی اوله رق کلانلرده بیله هیچ سس صدا ایشیدلیور ، هرکس نتیجه یه انتظار ایلور .

تام ساعت طقوزده شرق مفرزه سی قوماندانه بن ، غرب مفرزه سی قوماندانه فرقه یاور ی مدیر اولان فرقه

قوماندانی طرفندن، یازیلی اوله رق آئیده کی معلوماتی
ویریورز:

شرق

مدیر طرفندن:

صول جناح مفرزه سی قوماندانی قائم مقام (فون وه ددینگ) .

سُوق قطعانك بيوك بر قسمی (تزه تین) صرتلری
اوزرنده و (بیوک دکرمن) ك شمالنده آچیقده قونیور، یارین
صبح غایت ایرکن (کوسترب) موقع مستحکمك شرق جنو-
بیسنده کی (قانهن تبه لری) موضعنه چکیله جکدر. مفرزه کز ابله
همان (قونه رسدورف) و (بیوک دکرمن) اوزرندن (تزه تین)
صرتلری اوزرنده کی قسم کلی اوردولاهنه کلیکز. (قونه رسدورف)
بزم طرفزدن ایکی پیاده بلوکی ابله اشغال ایدلشدور .
باش قوماندان

آ

غرب

مدیر طرفندن:

پیشدار قوماندانی میر آلائی (فره دریقس) .

سواری کشف قولریله کویلیلر طرفندن متفقاً ویریلان
معلوماته نظراً (شوه تیغ)، (رایچیغ)، (قونج) مواقنده قراکلی
باشجه قدر دشمن قطعاتی بولمشمسده (فراقفورت) ك طرفزدن
ضبطنی متعاقب قطعات مذکوره (فراقفورت اورمانی) داخلنه
چکیش و بو طرفجه ظن اولندیفنه کوره، فراقفورتدن کیری به

پوسکور دیلان دشمن قوی ایله (قونه رسدورف) اوزرندن برلشک تشبثنده بولمیشدر.

پیشدار ایله شدتلی صورتده (شوه تیغ - قونه رسدورف) بولنه ودها اوته سنه طوغری ایلرولیکز و فرائقفورک جنوب شرقیسنده کی (اودر) قسمندن کله جک دشمن قطعه لرینی بوسورتله جنوب شرقی استقامتده (ماجدورف) ویا (غره دن) ه دوغری طرد ایدیکز. (دام واروشی) بو کیجه دوغریدن طوغری به قسم کلی - طرفندن اشغال و تأمین ایدیله جکدر.

باش قوماندان

ه

ینه ساعت طقوزده (قونه رسدورف) ده کی اوافق دمدار مفرزه سنک قوماندانی اولجه قبالی برظرف دروننده کندیسنه و برلش اولان معلوماتی آچهرق او قویورکه اوده شودر:

مدیر طرفندن:

شرق

قونه رسدورف مفرزه سی قوماندانی یوزباشی (فون غایسله ر) ه

(شوه تیغ)، (رایپیخ)، و (قونیج) دن یا قلاشان صول جناح مفرزه سنه مان (قونه رسدورف) و (بیوک دکرمن) اوزرندن قسم کلینک اردوگاهنه کلسی امر ایدلمشدر. مذکور مفرزه نک وصوله قدر (قونه رسدورف) ی محافظه ایدرک مفرزه نک یا قلاشمنی تسهیل ایدیکز و (قونه رسدورف) دن اثنای سرورنده اوکا ایتاق ایلکیز.

باش قوماندان

آ

شرق مفرزه سی قوماندانی قائم مقام (فون وه ددینج)
 (شوسه بکچی قولبه سی) بک فراقفورت استقامتدن
 کورولیه جک جهته کیدیور. شرق باش قومانداندن
 کندیسنه ویریلان امری، برسواری امرنفرینک طوتدینی
 کیچه فنارینک دلالته، یاننده یآوری اولدینی حالدده
 اوقویور؛ یاهجنی حرکتی ذهنتده تاصارلایور. صکره
 یآوری واسطه سیله طابور، سواری بلوکی و بطاریه
 قوماندانلرین یاننه جلب ایدیور. باش قومانداندن کلن
 امری یاواش سسله اونلرده بر کره اوقویور وشفاهاً
 شو مفرزه امرینی وبریور:

«دشمن فراقفورت ایله (دام واروشی) پی ضبط
 ایتدی. قسم کلیمز (تره تین) اوزرینه چکیلدی. مفرزه من
 (قونه رسدورف) و (بیوک دکرمن) اوزرندن قسم کلی به
 التحاق ایده جک .

«سواری بلوکی (فالقنشتاین تپه جکبری) استقامتده
 ایلرولیه جک، اوجهته دشمنی ترصد و توقیفه جالیشه رق
 مفرزه نك رجعتی حمایه ایده جک. باشده کی طابورک بر
 بلوکی، تکمیل مفرزه بورایی ترک ایدنجه به قدر، (شوسه
 بکچی قولبه سی) نك یوزمتره قدر شمال غریبسنده وشوسه
 اوزرنده قاله جق، مفرزه پی اک صکره تعقیب ایده جک .
 «دیگر اوچ بلوک پیشدار مقامنده (بلاقتره استاسیونی)

اوزرندن (قونه رسدورف) ه توجه ایده جک وقسم کلیمزدن
 اوراده بر اقلان ایکی پیاده بلوکی ایله برلشه جک .
 باشده کی طابوری یوز مترو مسافه ایله ایکنجی طابور،
 صکره صحرا بطاریه سی، صکره اوچنجی طابور تعقیب
 ایله جکلر. بن پیشدارک یاننده بولنه جغم .»

بو امری آلان معیت قوماندانلری همان قطعه لرینه
 عوجیت آیدیورلر . سواری بلوکی (قونه رسدورف) ،
 (فرائق فورته) ، (شوه تیغ) استقامت لرنده متعدد کشف
 قوللری چیقاردقین صکره شوسه یی تعقیباً (فالقنشتاین
 تپه جکلری) نه طوغری ایلرولیور .

قطعات سائر ویریلان امره توفیقاً یوله دوزولیورلر،
 فون درغولج قرارگاه هیئت ایله برلکده شرق قوماندانه
 رفاقت ایدیور .

درین برظلمته بوغولمش اولان اورمان ایچندن دشمن
 یقیننده اجرا ایدیلان شوتهلکلی یوروش شرق مفروضه
 قومانداتی طبعی اوله رق ایچمه هیجانه دوشورمکده در.
 دشمن طرفدن هر آن باصقینه اوغرامق ، هر آن تعرضه
 دوجار اولق مخاطره سی وار . یوروش ائساننده کوزلر
 بلا اختیار دائما صوله، فرائق فورته جهته دونیور. فقط
 حیف که زبیری بر قراکلق ایچنده اورمانک اک جسم
 آغاجلری پله فرق اولنه میور . بویه زمانلرده بز

حرکاتمزدۀ قدر کوجلک چکر سه ک دشمنک ده اونستۀ ده
دوچار مشکلات اوله جی خاطرۀ کتیرلیور. بزی یقالیه.
بیلیمک ایچون اوده عینی اورمانۀ داله جق، عینی ظلمتۀ ده
شاشیرۀ جق. شوقدر که بیوک بر مسئولیت یوکی آلتۀ ده
بولسان شرق مفرزۀ سی قوماندانی بونی بزم کی سرین
قائلیققله دوشنه میور؛ نه قدر اولسه اندیشه ایدیور، تحت
قومانداسنه بر اقلیمش مفرزۀ بی ساحل سلامتۀ چیقارۀ.
مامقدن اورکیور.

کله لم غرب قطعانۀ: غرب مفرزۀ سی قوماندانی
فرقۀ یاورۍ طرفدن کیجه ساعت طقوزده کندوسنه
ویرلش اولان یازیلی معلومات اوزرینه تکمیل مفرزۀ سی
ایله شمندوفر خطی یاسدن (بلاقرۀ استاسیونی) استقامتجه
ایلرولمکه قرار ویریور: اولاً سواری بلوکی (قونۀ ر-
سدورف)، (بلاقرۀ استاسیونی) و (شوسه بکی قولبۀ سی) نه
دوغری کشف قوللری اخراج ایلدکدن صکرۀ یوله
دوزولیور. آرقه سندن بر پیاده طاووری کلیور. ایکوز
مترو قدر صکرۀ صره ایله ایکنجی طاوور، صحرا بطاریه سی،
اوچنجی طاوور تعقیب ایدیورلر.

بو وجهله طرفین یکدیگرندن خبردار اولمق سزین
مقارباً (بلاقرۀ استاسیونی اوزرینه یوریورلر.

شرق مفرزۀ سنک پشدار رأسی اورمان ایچنډه (م)

قطه سینه کلیر کلز مفرزه قوماندانه کویا کندی باش
قوماندانی طرفندن آتیده کی امر وارد اولیورکه بونی بر
طرف ایچنده اوله رق قوماندانه بالذات فون در غولچ ویریور:

شرق

مدیر طرفندن :

بيوك ذكرمن ۲۴ مارت سنه ۱۸۹۷

ساعت ۹ .. کجه

صول جناح مفرزه سی قوماندانلقه

بورایه کن معلوماته نظراً دشمنك فراقفورندن (اودر)
نهرينك صاغ ساحلنه کچوب (فالقشتای تبه حکری) نه قدر
ایلرولیان قطعاتی ضعیف قوتده درلر . باصقین طرزنده هجومه
قطعات مدکوره بی تکرار فراقفورتن اوزرینه پوسکورتمک
وهیچ اولزسه (اودر) کورپسی تخریب ایتمه چالیشکز .
استهکام عساکری ایله لازم کلان وسائط تخریبیه بورادن
سزه کوندربله جکدر (مفروض) .
باش قومادان

آ

بو امره نظراً شرق مفرزه سی قوماندانی پیاده
طابورلرینك رأسلرینی صوله چرخ ایتدیریور: باشده کی
طابور (م) قطه سندن (تعلیم میدانی) نه کیدن اورمان
بولی، دیگر ایکی طابور (م) قطه سی ایله (شوسه بکچی

قولبه سی) آراسندن اولکنه موازی اوله رق (تعلیم میدانی) نه
ایصال ایدن دیگر ایکی اورمان یولنی تعقیبه باشلا یورلر .
صهرا بطاریه سی ایکنجی طابورک کریسندن کلیور . سواری
بلوکی بوجالده مفرزه نك صول جناح ایلریسندن قالیور سه ده
نر ده بولندیغندن خبر یوقدر .

ینه بو آرالقی (قونه رسدورف) مفرزه سنك یانسه
واصل اولان فرقه امر ضابطی فون در غولج طرفندن
مفرزه قوماندانه ظرف دروننده امر آتی بی ویریورکه
بو امر کویا او انشاده شرق باش قوماندانلنی طرفندن
وارد اولیور :

شرق

مدیر طرفندن :

بیوک دکرمن ۲۴ مارت سنه ۱۸۹۷

ساعت ۹ کیجه

قونه رسدورف مفرزه سی قوماندانلغه

صول جناح مفرزه سی (قالتشتاین ته جگری) استقامتنده کی
دشمنه تعرض ایده جک و اوئی (اودر) کوپر بسنك او بر طرفنه
طرد ایلجه جکدر . مفرزه کزله (اوقی قولبه) اوزرندن ایلرولیه رک
بو تعرضی تسهیل ایلکیز .
باش قوماندان

مفرزه قوماندانی (فون غایسله ر) بونک اوزرینه تحت قومانده سنده کی پیاده بلوکلرندن برینی بلوک قوی نظامنده اوله رق (اوقق قولبه) استقامتنجه ایلرولتیوره؛ دیگر بلوک عین نظامله آلتش متره قدر کریدن تعقیب ایدیور. عین زمانده بن ضرب مفرزه سنی بولق اوزره قوتلی درت نعل ایله (تعلم میدانی) اوزرندن (اوقق قولبه) یه دوغری ایلرولر ایکن (قونه رسدورف) استقامتندن بربری آردنجه یایلم آتش صدالری ایشیدییورم. قطعات عسکریه دن هیچ اثر کورمایور. خیلی مشکلاتله او جوارده غرب مفرزه سی قومانداتی بوله بیلور و کندیسنه مدیر طرفندن برظرف ایچنده امر آتی بی ویریورم که کویا بوامر دخی او ائنده غرب باش قوماندانلغندن ورود ایدیور:

غرب

مدیر طرفندن:

فراقفورته فی ۲۴ مارت سنه ۱۸۹۷

ساعت ۹:۰۰ کیجه

پیشدار قوماندانلغنه

فراقفورته ضابطی هنگامه نوز (شوه تیغ)، (رایچیغ)، (قونیج) ده بولونمش اولان دشمن قطعاتنک مؤخرأ (فراقفورته) اورمانی دروندن (قونه رسدورف) استقامتده حرکت باشلا. دقلری عوادی دمیجک آلتان معلوماتله تأید ایتمکده دره. قطعات

مذکورہ اوزرینہ تعرض ایدرک اونلری جنوب شرقیہ طوغری
 طرد وقسم کلیری ایلہ برلشمکدن منع ایلیکز .
 کرک (دام واروشی) ، کرکسہ (اودر) کوپریسی قسم کلی
 طرفندن اشغال اولونمشدر [مفروض] . شمندوفر کوپریسی
 بوزولمشدر [مفروض] . باش قوماندان

ب

غرب مفرزہ سی قوماندانی یکی بر قرار ویرمزدن
 اول (قونہ رسدورف) جہتدہ کی تفنک صدالرینک واصل
 اولہ جنی نتیجہ بہ انتظار ایلور . کندیسندن مذکور تفنک
 سسلرینک نہ دن ایلری کلدیکنی بالاستفسار آکلایورم کہ
 بو زمانہ قدر پیشداری (بلا تفرہ) بہ یاقلاشان غرب
 مفرزہ سی قسم کلیسنک رأسی (قونہ رسدورف) دن
 ایلرولہ مش اولان (غایسلہر) مفرزہ سی ایلہ جارپشمش ،
 طرفین یکدیگرینک دشمن قطعہ سی اولدیغنی آکلار
 آکلماز تفنک محاربہ سنہ کیریشلمشدر . فون درغولچہ
 اعطای معلومات ایتمزدن اول شو مصادمہ نک نتیجہ سنہ
 انتظار ایلمک اوزرہ بورادہ غرب قوماندانسنک یانندہ
 قالیورم . بر آرائی (قونہ رسدورف) استقامتدن تفنک
 سسی کیلیور . آوقہ سندن کسکین و متعدد هوررا
 صدالری ایشیدیلیور . بر آاز صکرہ آکلایورزکہ غربیلرک
 برطابور قوتلہ اجرا ایلدکری سونکو هجومہ شرقیلر

دایانه مامشله، ینه (قونه رسدورف) اوزرینه رجته مجبور اولمشلر در .

شو اوافق موفقیتی متعاقب غرب مفروضه سی قوماندانی آلهینی صولک امره نظراً قسم کلیسیله (محافظ قلبه سی) استقامت عمومیه سنده تبدیل جبهه ایتمکه قالدیشیور . شو قدرکه بو حرکتک موقع اجرایه قولنمسی ایچون طبیعی خیلی زیمان تصرف ایدیلیور . برده پیشدار پیاده طابوری و زاقده اولقله بالجبوریه (بلاقزه استاسیونی) طرفنده تالیور، بو حرکتک اشتراک ایلیمیور؛ سواری بلوکی دخی آریجه بر امر آلیور .

بن غرب قومانداننک شو یکی قرارینی ایشیدیر یشتیمز اولجه کلدیکم استقامته دوغری حیوانی سوره رک بوده باشلا یورم . بر ایکی دقیقه صکره تعلیم میداننک ورته سنده صداسندن جنرال فون در غولچی طانیور، ننه کیدرک کوردیکم شیرلی عرض ایلورم . قراکلی ادتا کیندکجه آرتیور، کوز کوزی کورمیور . فرقه رارکاه هیئتته رفاقت ایدن (مادمازل دورغوت) شو لملت ایچنده بیاض سواری جاکتی، بیاض فستانی ایله رانسزلرک مشهور (ژان دارق) نی آکدیریور . بز رارکاه هیئتتی شو عملیاتدن نه درجه متلذذ اولیور ایسه کده او قدر ذوق آلیور، او نسبتده سونیور .

غرب مفرزه سی، ایکی طابور درین قول نظامنده
یکدیگری کریسند و صحرا بطریقه سی بونلرک صاغ طرفی
آچینده یوروش قولنده اولمق اوزره، (محافظ قلبه سی) نه
دوغری ایلرولر ایکن شرق مفرزه سی ده، ایکنجی
واوچنجی طابورلرک هربری درین قول نظامنده یان یانه
واولکی پیشدار طابوری صاغ جناحی کریسند بولمق
اوزره، (اوراق قلبه - فالقنشتاین تپه جکلی) خطه
تقرب ایدیور؛ شرق صحرا بطریقه سی اورته ده کی طابوری
تعقیب ایلور . .

بوصورتله غربیلر جنوبه یورودکلی حالده شرقیلر
عادتاً غربه توجه ایتمش بولنیورلر . طرفین یکدیگرندن
ایکی اوج یوز مترو مسافیه قدر یاقلاشدقلی حالده
بربرلرینی فرق ایده میور، بربرلرندن بر خبر آله میورلر.
بو ائنده فرقه قرارگاه هیئت (فالقنشتاین تپه جکلی)
اوزرینه توجه ایدرک اورادن نتیجه یه انتظاره قرار
ویریور .

نهایت شرق مفرزه سنک صول جناحده ایلرولیان
طابوری غرب مفرزه سنک نهایتده کیدن طابوری ایله
مصادمه ایدیور؛ بونک نتیجه سی اوله رق شرق طابورینک
باشنده کی بلوک ایله عرب طابورینک کریسند کی بلوک
یکدیگرینه آتش ایدیورلر . بر آده لق غرب طابورینک

بلوکلری دخی ایشه کیریشمک، کریده کی بلوکی تقویه
 ایتمک ایستیورلر ؛ شوقدرکه ظلمت ایچنده نه یابدقلمی
 بیه میور ، دشمن دییه کندی بلوکلری اوزرینه آتش
 ایدیورلر ؛ شرق مفرزه سنک دیکر طابورلری ایسه
 اوکده برهدف اولمادینی جهتله بردنبره حربه اشتراکدن
 اجتناب ایلور ، یالکز رأسلیله تدریجاً غرب و جنوب
 غربییه چرخ ایتمکه باشلایورلر . ینه بو ائنده مفرزه -
 سنک قسم کلیسنه التحاق ایتمک اوزره (بالقنشته) جهندن
 دون غرب سواری بلوکی شرق مفرزه سنک صاغ جناح
 طابورینه تصادف ایدیور ، بلوک قولی نظامنده درت
 مله قالمه رق شدتلی هوردا صدارلیله مذکور طابورک
 أسنی چیکنه یه رک کچور ، متعاقباً اورته ده یوریان شرق
 لاورینه صالدریور ، بونی ده یاردقدن صکره (فالقنشتاین
 په جکلری) نه توجه ایدیور . عین زمانده مذکور
 په جکلرک غربنده بولنان شرق سواری بلوکی بوکا بر
 لیره یایمق ایستیورسه ده اوکنده بر هدف بوله میور ؛
 رک دشمن قطعاً سنک، کرک منسوب اولدینی مفرزه
 لماتنک نرملرده اولدینی بیه مدیکی ایچون لا علی التعمین
 هجوم اجرا ایتمک مخاطره سندن چکینیور . بر کره
 لیانه کمش اولان غرب سواری بلوکی ایسه اوپله بردنبره
 رت نعلک آردینی کسه میور ، (فالقنشتاین تپه جکلری)

اوزرنده اخذ موقع ایدن فرقه قرارگاه هیئتنی دخی ، بیلیمیه رکه ، یاروب کچمکه داورانیور . فقط بر آز صکره کرک قرارگاهه منسوب بر اوھلان امر نفرنده کی فنارک کوسترلمسی ، کرکسه (مادمازل دورغوت) ک بیاض قوستومله عرض اندام ایله مسی سواریلرک بوصولتنه خاتمه چکدیریور ، قرارگاهی اوھلان مزراقلرندن خلاص ایدیور .

یاکلش آکلاشیلماسین: اوھلانلر پیاده قطعاتی حقیقهٔ مزراق داورانمش اولدقلری حالده هجومله چیکنه . بهرک یارمیورلر ؛ بلکه قاراکلق اولدینی حالده دخی ینه بویله تهلکلی مصادمه لرده فوق العاده احتیاطه رعایت ایلور ، پیاده نک یاننه کلیرکلز تعدیل شدت ایدیورلرده اویله اوتیه کچورلر .

پیاده قطعاتنک یکدیگری اوزرینه مانوره فشکی ایله انداخت ایتملری دخی این احتیاطله وقوعبولور :
آپانسزین یوز یوزه کلان قطعات طبعی همان بربرینه آتش ایتمه باشلامیورلر . آنجق آراده بویوله انداختنک جائز اوله جنی معین مسافه وارسه انداخت ایدیورلرکه بو سایهده هیچ بر قضا وقوعه کلور .

کیجه ساعت اون پنجه یاقلاشیور : اوتوده بریده هنوز نک تونق تنک صدالری ایشیدلمکده ، غرب سواری

بلوکی کندیسنه یکیدن نظام وانتظام ویرمکه اوغراشمقده
ایکن فون درغولج (فالقنشتاین تپه جکری) نندن
عملیاته ختام بوریسنی جالديریور .

ختام اشارتی تکمیل قطعات عسکریه بوریزنلری
طرفندن تکرار ایدیلور . طابورلر ، بطریه لر ، سواری
بلوکری بولندقلری محللرده تعطیل حرکات ایدیورلر .
متعاقباًینه فرقه قرارگاهندن جالديریلان ضابطان بوریسنی
اوزرینه باجمله آتلی ضابطان (فالقنشتاین تپه جکری) نه
توجه ایلورلر . فون درغولج قطعات عسکریه نك هیچ
استراحت ایتمکسزین حضری یوروشله فرائق فورته قشله .
لرینه عودت ایلامه لریتی امر ایدیور ؛ قطعات یاورلری
بو امری لازمکلان یرلره ایصال ایلورلر . برآز صکره
هر قطعه دن اولجه حاضر بولندیریلان مشعله لر یاقیلور ؛
قطعات عسکریه بربری آردنجه (قونه رسدوف-فرائق فورته)
شوسه سینه چیقوب بورادن فرائق فورته طوغری یوله
دوزولیورلر . متعاقباً افرادملی حرب شرقیلرینه باشلا .
بورلر . تکمیل شو حالی ، شو منظره بی کوروبده انسانک
صوک درجده متحسس اولماسی ، « بو مظفر عسکره
قدر اظهار شادمانی ایتسه ، نه قدر مغرور اولسه یری
واردر » دیماسی قابل اوله میور . فکر ایسترایستمز یوز
قرق سنه اولی بوراده عینی اراضی اوزرنده ویریلان

(قونه سدورف) ميدان محاربه سنده روس و آوستريا قوه متفقه سنه قارشى پروسياليلرك اوغرادقلى هزيمت فوق العاده يه كيدييور ؛ صكره ده انسان او دهشتلى هزيمتك نه بيوك موفقيتلرله تضمين ايدلمش ، اوزمانكى اوفاجق پروسيانك باقنز نصل بر دولت معظمه يه اساس قورمش اولديغى دوشنيورده شو همته ، شو علويه قارشو حيران قالمقدن كندى آلهميور . قوجه فره دريق باشى قالديرسين ده دنيا دوردقجه هيچ برپروسيالينك قلبندن چيقيمه جق اولان او (قونه سدورف) ميدان مغلوبيتنده بو آخشام نصل قاخرا ايدليكنى كورسون !

عسكر بيوك برشوق و شطارت ايچنده غاريزونه دونمكده ايكن (قالقنشتاين تپه جكلرى) نده فون درغولج طرفينك اجرا ايتدكلرى حركاتك مختصراً مناقشه سنه كيريشيور : اولا طرفين قوماندانلرى كنديلرينه و بريلان مسئله لرى اوقويور و بوكا نظراً اتخاذا ايلمش اولدقلى قرارلرى بيلديرييورلر . غولج هر ايكي طرفك قرارينى صورت عموميه ده موافق بوليور و اجرا ايدلمش اولان حركاتى تفرعات مهمه سيله برلكده مجملأً تكرار ايدييور ، مناقشه سنك اك مهم نقطه لرى اولق اوزره ده باشلوجه شونلردن بحث ايليور :

• بويكجه اجرا ايلديكمز عمليات كيجه لين عسكرى

طوبو بولند یرمق و غایت ساده حرکات ایله اکتفا ایتک لازم کله جکی بزه اثبات ایدیور . پیاده قطعاتی ایلری یایلوب کیدرکن صیق صیق دورملی ، اطرافی دیکله ملی ، حرکاتنده عجله ایتمایلدیر . شرق مفرزه سنه منسوب سواری بلوکی بدایتده مستقل بر وظیفه ایله (فالقنشتاین تپه جکلی) نه دوغری کوندرلما میلدی ؛ زیرا بوساqqه ایله صکره دن بسبتون الدن چیقارلدی . برده کیجه لین برچوق سواری کشف قولری چیقارلمسی لزومسزدر ؛ چونکه بونلر حرکاتی قاریشیدیرمقدن ، بزی بوش یره شاشیرتمقدن بشقه هیچ بر فائده ویرمز لر . کیجه ایچون پاروله تعین ایدلمسی پک مهمدر . »

فرقه قرارگاه هیئت برچوق آتلی ضابطان ایله برلکده کیجه یاریسنه دوغری فرائق و فرقه کیریور . فون درغواج ایله بن قوماندانلق دائره سنه کلوب حیوانلر مزدن اینیورز . غولچ فامیلیاسیله سوپه ایدرکن مشار الیه متأثر برحاله خیلی مدت عثمانلیقدن ، عثمانلی اردوسندن ، بوقهرمان اردونک کوره بیله جکی ایشلردن بحث ایدیور ...

ایکی کون صکره بشنجی فرقه قوماندانلی طرفندن فرقه یه منسوب طقوزنجی ، اوتنجی پیاده لوالری ایله بشنجی سواری لوانسه و اون سکرنجی صحرا طوبچی آلابنه بر صورتی آتیده یازیلی « مطالعات » کوندریلیور .

سید محمد علی

مارتك يكرمي دردنجی کونی اقشامی اجرا اولنان کیجه عملیانی سببیه خاطرہ کلان مطالعات

۱ — ساحه سی نسبةً آز اولان (قونه رسدروف
تعلیم میدانی) نده ایکی طرف قطعات مختلفه سنک بربرلرندن
خبردار اولمق سزین یکدیگری یانندن کچملری و آنجق بر
ایکی بلوک — اوده قسماً تصادفی اوله رق — مصادمه
ایتملری بزه شونی اثبات ایدرکه کیجه محارباتنده باخصوص
قاراکلق زیاده اولورسه قطعاتک امر اداره سی کسب
مشکلات ایلر .

۲ — صورت عمومیه ده کیجه لین معین بعض نقاط
و مواضعک محافظه سی و برده یول و هدف اولجه تمامیه
معلوم اولدینی وقاراکلق باصمازدن اول بر کره دهاکشف
ایلدیکی تقدیرده قیصه و سریع هجوملر اجرایی ایله اکتفا
ایتملدر .

اولجه ایجاب ایدن هر درلو ترتیبات اتخاذ ایدمک
شرطیه کیجه لین و یا شفق وقتنه دوعری مواضع مستحکمه یه
هجوم عملیاتلری اجرا ایتدیریلیرسه استفاده اولنور .

۳ — کججه لین بر چوق کشف قوللری اخراج ایدیلیرسه دشمنک وضعیتنه دائر قطعی بر فکر آله مدقندن بشقه کشف قوللری طرفندن آره صره اجرا ایدیلان انداختدن دولایی طرفین قوماندانلری بسبتون ترده دوشرلر . بناءً علیه — ایلری قره غول خدماتی مستثنا اولوق اوزره — کججه لین ممکن مرتبه آزمقدارده کشف قولی چیقارمق ایجاب ایدر .

غایت یقیندن امنیت تدابیری اتخاذ ایدلمک اوزره بلوک قولی مثلوق قبالی نظاملرله اجرا ایدیلان حرکاتک مقصده اک زیاده موافق اولدینی بو سفر دخی تحقق ایتمشدر .

۴ — عینی طرفه منسوب قطعاتک یکدیگری اوزرینه آتش ایتمه لرندن آکلاشیلیرورکه پاروله نک فائده سی و آتسه باشلامازدن اول قارشیده کی قطعه نک دوست می؟ یوقسه دشمن می اولدینک لزوم تحقیقی زیاده در .

آندن بشقه قارشیده کی قطعه دشمن اولسه بیله پیاده تفککریبک الیوم منزلی زیاده اولوق حسیله اوقطعه نک اوتیه سنده بولنه حق دوست قطعاتی دخی اورمق تهلکه سی واردر . اوجه تله انداختک ایی بر نتیجه ویره جکندن امین اولمادقجه کججه لین پیاده آتشی قوللانمق جائز دکلدر .

۵ — هر ایکی طرفده دخی طویچی صنفی بولندین:

حالده طرفینک یکدیگر بکنک حرکاتی ایشیده مامش اولماری
شایان تعجدر . شوقدرکه بونک حکمتی هوای نسیمینک
او آنده کی حالده آرامی ، یوقسه هر وقت بویه اولور
ظن ایتمایلدیر .

۶ — بوعملیاندن آکلاشیلیورکه دشمن یقیننده
کیجه لین اجرا اولنان حرکات شمدی به قدر هر طرفجه
ظن وقبول اولوندینی قدر تهلکلی دکدر .

دشمن مواضعی یاننده یاپیلوب ظاهرده بک تهلکلی
وجسورانه کورینان یورویشلر — لزومی درجه سنده
احتیاطه رعایت ایدلیدیکی ، قطعاتی اینی بر نظام و انتظام
آلتنده طوتمق وناکمانی بر تعرضه اوغرانیدینی حالده
تلاش ودهشت ایچنده قالمالرینی تأمین ایتمک قابل اولدینی
تقدیرده — موفقیتله اجرا ایدیه بیلیر .

۷ — کیجه لین چوق عسکره مالک اولمقدن زیاده
ای تریبات اتخاذا ایتمک ایشه یارار . (۱۸۷۰) حربی
انساننده کانون اولک طقوزنجی کونی آخشامی ویریلان
(شامبور) محاربه سی بوکا برمثالدر .

عملیاتمزدده اکر غرب مفرزه سی قوماندانی کندیسنه
تکمیل قوتیهله ایلروله مک امری ویرلزدن اول قوتنک
بیوک بر قسمی ایله (فالقنشتاین تبه جکلری) نده قاهره
یاکیز بر قاج بلوکی قبالی نظامده فرائض فورتن اورمانه

(شوه تیغ - قونه رسدورف) یولی جوارینه قدر سوق
ایتسه و اونلره - شاید دشمن بو یول اوزرندن
چکیلیرسه - شدله اوزرینه تعرض ایتمک امرینی ویرسه
ایدی احتمال بو صورت حرکت تکمیل قوتی ایبرولتمکدن
حاصل اوله جق فائده بی تأمین ایده بیلیردی . آندن بشقه
بوسایه ده پیشدار ایچون تخصیص ایدلمش اولان موضع
دخی محافظه ایدلمش و قوماندانک الی آلتنده قوتلی بر
احتیاط قالمش اولوردی .

۸- بالاده کی مطالعاتک مناسب فرصتلرده و باخصوص
کججه سفریه عملیاتلرنده قطعاته آکلاتیلیمسی توصیه
ایدیلیر .

امضا

فرایر - قونه در غولج
بشنجی پیاده فرقه سی قوماندانی



مفصل تعبيه مسئله لری

صنوف ثلثه تعلیمنامه لرمزله خدمات سفریه نظامنامه سی اساس
طریقه ورق روم ایلی شاهانه خریطه سی اوزرنده ترتیب ایدلمش
اکمهم تعبيه مسائلی حاویدر. مکتب حربیه شاهانه ارکان حربیه
وظائفی و تعبيه تطبیقاتی معلی ارکان حربیه قائمقامی عزتلو پرتو
بک طرفدن یازیلوب کتابخانه من معرفتله طبع اولمقده بولنان
(مفصل تعبيه مسئله لری) ضابطان و شاگردانک جداً توسیع
معلوماتنه خادم برتألیف ملی اولسی جهتله کرک کتابک و کرک
خریطه لری نک نفاست طبعنه ضوک درجه اهتمام اولمقده در .
حد ذاتنده جسیم برکایات تشکیل ایدمک اولان اشبو اثر مهم
اک بسیط بر صورتده اوفق اوفق مفرزه محاربه لرندن قول
اردولرک حرکاتنه وارنجهیه قدر مفصلاً تعبيه مسئله لری شامل
بولنه جق، و ضابطان و شاگردانک بردانه ایدمنسنه مدار اولقی اوزره
تکمیلی بردن نشر اولنمیوب پی در پی و دفتر دفتر کسوه پذیر تمثیل
اوله جق و غایت اهون فیأتلرله میدان انتشاره وضع اولنه جقدره .
مفصل تعبيه مسئله لری ، حللریله برابر بش مسئله دن مرکب
و (۶۰) صحیفه دن متشکل برنجی دفتری نشر اولمشدره . فوق العاده
نفیس بر صورتده طبع اولمش وایکی بیوک رنگلی قروکی ایله
تزیین ایدلمشدره . برنجی دفترک فیأتی کاغدی بهاسنه (۳) طشریه
(۳) بچق غروشددر بالجله امراء ضابطان و شاگردانه توصیه
اولنور .



کتابخانه اسلام و عسکری طرفندن نشر اولنه جق آثار عسکریه :

مچ اصول تعلیمی	قول آغاسی حسنی بك
قیلجه یکی اصول مبارزه	» »
تعییه مسئله لری (ایکنجی دفتر)	قائم مقام برتو بك
برنجی ناپولیونك آثار متخبه سی	احمد رفیق بك
صحرا طویجی تعیه سی	جنرال روخ
عملی خدمت سفریه وظائفی	جنرال وردی دوورنوا
فرانسه نك ۱۹۰۰ اردو مانوره لری	محمود مختار پاشا



کتابخانه اسلام و عسکری طرفندن نشر اولنه جق آثار عسکریه :

مچ اصول تعلیمی	قول آغاسی حسنی بك
قیلججه یکی اصول مبارزه	»
تعییه مسئله لری (ایکنجی دفتر)	قائم مقام یرتو بك
برنجی ناپولیونك آثار متخبه سی	احمد رفیق بك
صحرا طوبجی تعیه سی	جنرال رونه
عملی خدمت سفریه وظائفی	جنرال وردی دوورنوا
فرانسه نك ۱۹۰۰ اردو مانوره لری	محمود مختار پاشا



فیثانی (۶۰) باره در

کتابخانه عسکریده صانیلان آثار عسکریده دن

بعضیلری :

پاره فروش

محاربات فلاحه دائر بر قاچ سوز محمود مختار	۱۲۰
خدمت سفریه تطبیقاتی (مجلد) وردی دوا	۱۷۲۰
اصول تطبیقه نظر آثار تاریخ حربك مطالعه سی »	۱۰
حرب اویونی مجلد »	۱۰
اداره حربه دائر قواعد اساسیه فلاوز	۳
پیاده مکتوبلری پرنس هوهنا	۱۳
سفریه و تعیبه تطبیقاتی وحیا	۷۲۰
مفصل تعیبه مسئله لری (برنجی دفتر) قائم مقام برتر	۳
قره طاغ واردوسی قول آفاسی صبحی	۱۰
پیاده نك سواری هجوملرینه مقابله سی	۲
آفریقای جنوبی محاربه سی	۳
بارکیره باققی و بینمك	۶
پلونه مدافعه سی	۷۲۰
آلمان اصول حربنه دائر عملی مثالر	۵
پیاده نك یوقله و رسم یکیدلری	۲۲۰
نابولیونك امثال حربیه سی	۲
عجمی تعلیمی هفته جدوللری	۲
تبصره ۱ و ۲	۱۰
کیجه یوروش و محاربه لری	۱۱۰
کتابت عسکریه	۱۰
پلونه قهرمانی غازی عثمان پاشا	۱۲۵

